





香
國

題
香
國

香嚴云：麤根長者名

山。普眼。華嚴。味合。寺劫。

諧。香。樂。德。余。恨。未。得。

燒。香。炎。明。照。我。身。也。



焚願天盡也。可來。鐸
蹟。御。頤。藝。名。香。寺。主
備。養。檀。像。規。禮。孝。嚴
皇。像。藏。天。鑾。菩。半。助
靈。閣。雲。板。又。是。飛。之

振。靈。菩。半。助。合。象。之
悉。因。靈。寄。煉。病。榻。翻
閱。甫。州。廣。記。諧。書。偶
有。所。錄。夾。解。而。梓。焉
孝。屢。蹟。告。覺。蓮。孝。產

意拂之青東緜綉韻
滌盈三所加至等
中真意能來忘言系
漢嶽云眾番國中來
併番國中尙余魏馨

非同真竊奪臭又同
心廣平普眼最尚起
亦番雲徧爽閩淨提
毗接引我衆眾番國
中乃平肅中浴佛日

古香天 普 題 牙 牙 香
杜



籀 閣 伍 柳 香

香國目錄

卷上

象藏香

牛頭香

無能勝香

蓮華藏香

阿盧那香

海藏香

淨莊嚴香

淨藏香

先陀婆香

奪意香

沈水香

解脫知見香

聞息香

逆風香

九和香

百和香

千和香

五色香

驚精香

月支香

沈榆香

降真香

平等香

扶桑香

飛氣香

荃蕪香

石香

芬陀利華香

乾陀羅耶香

區撥摩花香

拘物頭香

多揭羅香

鶯嘴香

蜜香

魏公香

笑蘭香

穠香

返魂香

石葉香

鳳腦香

滿齊香

茵墀香

占城香

龍文香

刀圭第一香

伴月香

清泉香

暎香

瑞麟香

懷香

香國目錄 卷上

香國 卷上

東吳毛 晉輯

象藏香

人間有香名曰象藏因龍鬪生若燒一九即起
大香雲彌覆王都於七日中雨細香雨若著身
者身皆金色若著衣服宮殿樓閣亦皆金色若
因風吹入宮殿中衆生麁者七日七夜歡喜充
滿身心快樂無有諸病不相侵害離諸憂苦不

驚不怖不亂不恚慈心相向志意清淨

牛頭香

摩羅耶山出栴檀香名曰牛頭若以塗身設入火坑火不能燒

無能勝香

海中有香名無能勝若以塗鼓及諸螺貝其聲發時一切敵軍皆自退散

蓮華藏香

阿邠婆達多池邊出沉水香名蓮華藏其香一丸如麻子大若以燒之香氣普熏閻浮提界衆生聞者離一切罪戒品清淨

阿盧那香

雪山有香名阿盧那若有衆生喫此香者其心決定離諸染著我爲說法莫不皆得離垢三昧

海藏香

羅刹界中有香名海藏其香但爲轉輪王用若

燒一丸而以熏之王及四軍皆騰虛空

淨莊嚴香

善法天中有香名淨莊嚴若燒一丸而以熏之
普使諸天心念於佛

淨藏香

須夜摩天有香名淨藏若燒一丸而以熏之夜
摩天衆莫不雲集彼天王所而共聽法

先陁婆香

兜率天中有香名先陁婆于一生所繫菩薩座
前燒其一丸與大香雲徧覆法界普雨一切諸
供養具供養一切諸佛菩薩

奪意香

善變化天有香名曰奪意若燒一丸於七日中
普雨一切諸莊嚴具

俱見華嚴經

沈水香

純燒沈水無令見火此佛土燒香法也燒沈水

香香氣寂然來入鼻中非水非空非煙非火去
無所著來無所從由是意銷發明無漏得阿羅

漢見楞嚴經

解脫知見香

有解脫知見香黃山谷報賈天錫詩當念真富

貴自熏知見香見佛書

聞息香

聞息香蓋指內典中從聞思脩之義

逆風香

波利質多天樹其香則逆風而聞見成實論

九和香

天人玉女搗羅天香擎玉爐燒九和之香見三洞珠

囊

百和香

元封元年七月七日帝脩除宮掖之內設座殿
上以紫羅薦地燔百和之香張雲錦之帳然九

光之燈設玉門之棗蒲桃之酒躬監肴物爲天
官之饌以俟王母

見漢武
帝內傳

千和香

皇人者不知何世人也身長九尺玄毛被體皆
長尺餘髮纔長數寸其居乃在山北絕巖之下
中以蒼玉爲屋黃金爲床然千和之香

見廣皇
帝本行

五色香

園客濟陰人姿貌好而性良邑人多以女妻之
客終不取常種五色香草積數十年食其實一
旦有五色蛾止其香樹末客収而薦之以布生
桑蠶焉至蠶時有好女夜至自稱客妻道蠶狀
客與俱収蠶得百二十頭蠶皆如甕大繅一繭
六十日始盡訖則俱去莫知所在

見列
仙傳

驚精香

聚窟洲人鳥山山上多樹與楓樹相似而香聞

數里名爲返魂樹亦能自作聲如羣牛吼聞之心振神駭伐其木根于玉釜中煮取汁更以微火熟煎之如黑糝狀令可丸名爲驚精香或名振靈香返生香振檀香一云馬精香却死香一種六名斯實靈物見十洲記

月支香

大漢二年月支國貢神香武帝取看之狀如燕卵凡三枚大似棗帝不燒付外庫後長安中大

疫宮人得疾衆使者請燒一枚以辟寒氣帝然之宮中病者差長安百里內聞其香積九月不

歇

見瑞應圖

沈榆香

黃帝列珪玉于蘭蒲席上然沈榆香春禱寶爲屑以沈榆和之若泥以分尊卑華戎之位見封禪記

降真香

出黔南拌和諸香燒煙直上天召得鶴盤旋于

上又云生大秦國又云出南海山中主天行時
氣宅舍怪異竝燒悉驗之

平等香

清泰中荆南有僧貨平等香貧富不二價不見

市香和合疑其爲仙

見清
異錄

扶桑香

扶桑在碧海中上有天帝宮東王所治有榘樹
長數千尺二千圍同根更相依故曰扶桑仙人

令根體作紫色其樹雖大榘如中夏桑也九千
歲一生實味甘香

飛氣香

真檀之香夜泉玄脂朱陵飛氣之香返生之香
皆真人所燒之香也

見三洞
珠囊

荃蕪香

此香出波弋國浸地則土石皆香着朽木腐草
莫不茂蔚以熏枯骨則肌肉皆生

見獨
異志

石香

員嶠之山東有雲石常浮于水邊方數百里其色多紅質虛燒之香聞數百里煙氣升天則成香雲徧潤天下則成香雨

見王子年拾遺記

芬陀利華香

顯德末賈顥於九仙山遇靖長官行若奔馬知其異拜而求道取篋中所遺沉水香焚之靖曰此類六天所種芬陀利華汝有道骨而俗緣未

盡因授鍊仙丹一粒以柏子為糧迄今尚健

見清

異錄

乾陀羅耶香

有西國使獻香者名曰乾陀羅耶香漢制不滿斤不得受使乃私去着香如大豆許在宮門上香聞長安四面十里經月乃歇

見博物志

區撥摩花香

頓遜國有區撥摩花冬夏不衰日載數千車貨

之慘更香好

拘物頭香

罽賓國進拘物頭香香聞數里一云拘勿投華

見唐太宗實錄

多揭羅香

多揭羅此云零陵南越志云土人謂之燕草芸香說文云芸草似首蓿淮南云芸可以死而復生

鶯嘴香

番禺牙僧徐審與舶主何吉羅密不忍分判臨岐出香三枚贈審曰此鷹嘴香也疫者於中夜能焚一顆則舉家無恙後八年番禺大疫審焚香闔門獨免又呼為吉羅香

見清異錄

蜜香

肇慶新興縣出多香木俗謂之蜜香能辟惡氣

殺鬼精

見韵府續編

魏公香

予在揚州遊石塔寺見一高僧坐小室中於骨董袋取香如芡許炷之覺香韵不凡似道家嬰香而清烈過之僧笑曰此魏公香也韓魏公喜焚此香乃傳其法

見墨莊漫錄

笑蘭香

吳僧罄宜作笑蘭香卽韓魏公所謂濃梅山谷所謂藏春也其法以沈爲君雞舌爲臣北苑之

塵和鬯十二葉之英鉛華之粉栢麝之臍爲佐以百花之液爲使焚之油然鬱然若麝九畹之蘭而挹百畝之蕙也

穠香

穠香卽杜衡也形類馬蹄俗呼爲馬蹄香惟道家多服之令人身香

見本草

返魂香

徐肇遇蘇德奇自言有返魂香香煙直上可見

先靈

石葉香

此香疊疊狀如雲母其氣辟癘魏文帝時題腹
國獻段成式詩欲熏羅薦嫌龍腦須為尋求石

葉香

見拾遺記

鳳腦香

穆宗嘗於藏真島前焚鳳腦香以崇禮敬

見杜陽編

醜齊香

醜齊香出波斯國拂林呼為頂敦梨咄入藥療

百病

見酉陽雜俎

茵墀香

靈帝初平三年西域獻茵墀香煮湯辟癘官人

以此沐頭

見拾遺記

占城香

林邑占城闍婆交趾以雜出異香劑和而範之
氣韻不凡名曰占城謂中國三勺四絕為乞兒

香

上

七

香

見清
異錄

龍文香

龍文香武帝時所獻忘其國名

見杜
陽編

刀圭第一香

唐昭宗以香賜崔胤御題曰刀圭第一香酷烈清妙其大如豆而焚之則終日旖旎

三勺煎香

長安宋清以鬻藥致富嘗以香劑遺中朝縉紳

題曰三勺煎

見清
異錄

伴月香

五代徐鉉每月夜露坐中庭藝奇香一往號伴

月香

山水香

道士譚紫霄有異術閩王昶奉之為師月以山水香給之香用精沈上火半熾則沃以蘇合油

清泉香

蔡君謨爲余書集古錄其字精勁爲世所珍余以鼠鬚栗尾筆大小龍團茶爲潤筆君謨大笑後月餘有人遺余以清泉香餅一匣君謨聞之難曰香餅來遲使我潤筆獨無此一種佳品又可笑也

南海香

漢雍仲進南海香拜洛陽尉時號香尉

暖香

寶溪雲僧舍有暖香盛冬焚之滿室如春

昇霄香

唐同昌公主薨帝哀痛常令賜紫尼及女道冠

焚昇霄香擊歸天紫金之磬以導靈昇

見杜陽編

瑞麟香

漢唐公主下降藥七寶步輦四面綴香囊貯辟邪瑞麟香皆外國所獻

迫駕香

洪駒父集古今香法有鄭康成漢宮香真誥嬰
香戚夫人迫駕香

懷香

余以太蒨之月登于歷山之陽仰眺崇岡俯察
幽坂及覩懷香生蒙楚之間怪其遐棄遂遷而
樹于中堂華麗則殊采婀娜芳實則可以藏之
書又感其棄本高崖委身階庭似傳說顯殷四
叟歸漢故因事義賦之

見嵇康
懷香賦

○有卉惟翠因

實制名濛濛綠葉荏苒弱莖寄芬微風寓秀閒
庭懷而芳之爲翫于身

見十敬宗
懷香贊

香國目錄

卷下

龍涎香

迷迭香

都梁香

鷓鴣班

崑崙耳

檀香

沉香

安息香

麝香

熏陸香

乳香

松雥艾納香

麝香

訖馱香

芸香

沉箋香

牋香

黃熟香

狄香

藕車香

雞舌香

丁香

伽南香

唵叭香

蒼木香

蕙香

藿香

楓香

鬱金香

蘇合香

練香

龍腦香

化樓臺香

蘅蕪香

百蘊香

漢宮香

鶯梨香

鵲腦香

沉水香

九真雄麝香

月麟香

百濯香

意可香

九回香

金禪香

辟寒香

桂蠹香

香國目錄

卷下

香國

卷下

龍涎香

大食國近海傍常有雲氣罩山間即知有龍睡其下或半載或二三載土人更相守視俟雲散則知龍已去往觀必得龍涎或六七兩或十餘兩。大洋海中有渦旋處龍在其下湧出其涎為太陽所爍則成片風漂至岸人取之入香能收斂腦麝氣雖經數十年香味仍在。龍枕石

睡涎沫浮水積而能堅鮫人采之以爲至寶新
者色白稍久則紫甚久則黑白者如百藥煎而
膩理黑者亞之如五靈脂而光澤其氣近於臊
似浮石而輕和香焚之則翠煙浮空結而不散
○龍出沒海上吐出涎沫有三品一曰汎水二
曰滲沙三曰魚食汎水輕浮水面善水者伺龍
出隨而取之滲沙乃被波浪漂泊洲嶼多年風
雨浸淫氣盡滲于沙土中魚食乃因龍吐涎魚

競食之復作糞散於沙磧其氣腥穢惟泛水可
入香用餘二者俱不堪

迷迭香

迷迭出西域魏文帝曹子建王仲宣陳孔章俱
有迷迭賦古詩氍毹五水香迷迭及都梁

見廣志

都梁香

都梁出交廣形如霍香又荊州記都梁縣有山
山有水清淺其中生蘭因名都梁古詩博山爐

香國
中百和香鬱金蘇合及都梁

見廣志

鷓鴣班

高竇等州產生結香山民見山木曲幹以刀斫損經年香溜復鋸取之刮去白木其香結爲班

並名鷓鴣班

崑崙耳

下香方曰取大甲香如崑崙耳者酒煮蜜熬晒香中用故山谷詩云螺甲割崑崙耳香材

屑鷓鴣班

見四時纂要

檀香

白檀芬芳開發辟惡散結除冷今人多供燃爇上藥沉水者入藥

沉香

沉香稟陽氣以生兼得雨露之精氣而結故其氣芬芳去惡氣疏云凡邪惡氣之中人必從口鼻而入口鼻爲陽明之竅陽明虛則惡氣易入

得芬芳清陽之氣則惡氣除而脾胃安

見本草

安息香

安息香稟火金之氣而有水故味辛苦氣平而芬香性無毒氣厚味薄一豆許燒之能通神明而辟諸邪

薜蘿香

薜蘿香艸魏武帝以藏衣中

薰陸香

薰陸出天竺單于二國南方草木狀如薰陸者出大秦國其木生于海邊沙上盛夏木膠流出夷人取賣之又雜俎云勃樊川楓脂名薰陸香獸狝狃好啖之

乳香

波斯國松木脂有紫赤如櫻桃者名乳香薰陸之類也膠出日久相重叠者不成乳頭雜以土石其成乳頭者是新出薰陸乳香卽薰陸乳頭

也今松楓脂亦皆如是

見廣志

松雥艾納香

取松枝燒其上下承取汁名松雥艾納樹綠衣名艾納合味衆香燒之其煙回聚清白可愛

見五

線色

麝香

麝形似獐嘗食柏葉嵇康云麝食柏葉故香也

飢餒香

江南山谷間有一種奇木曰麝香樹其老根聞

之亦清烈號飢餒香

見清異錄

芸香

芸香辟紙魚蠹故藏書臺稱芸臺

見魚豢典略云

○美

芸香之修潔稟陰陽之淑精去原野之蕪穢植

廣夏之前庭莖類秋竹葉象春檉

見晉成芸香賦

沉箋香

嶺南徼海諸州及瓊崖山多香樹出香三等曰

沉曰箋曰黃熟沉箋皆有二品曰熟結曰生結
熟結者樹自爛而得生結者伐木得之又久爛
脫而別取之

牋香

其木類椿樺多節取之先斷其木根積年皮幹
俱朽心與節不壞者乃香也細枝緊實爲青桂
香黑而沉水者爲沉香半沉浮爲鷄骨香最粗
爲牋香丁謂在海南作天香傳云香凡四十二

狀皆出于一木竇化雷高中國出香之地比海
南優劣不侔矣旣所稟不同又售者多而取之
速是以黃熟不待其稍成牋沉不待其香足蓋
趨于牋賊之地也非同瓊崖非時不妄剪伐

黃熟香

黃熟有三品曰夾箋其破者爲散沉香之良者
瓊崖生取者爲角沉宜熏衣木枯朽乃得者爲
黃沉宜入藥

狄香

洒掃清枕席鞮芬以狄香鞮履也狄香外國之

香也

見張衡
同聲歌

藹車香

藹車芑輿注曰香草也能去臭及蟲蛀物生彭

城

見爾雅

雞舌香

漢尚書郎含雞舌香奏事桓帝時侍中刁存年

者口臭上出雞舌香使含之白疑有過賜毒僚

友代為含食意遂解又酒中玄飲酒者嚼雞舌

香則量廣浸半天回則不醉或曰即丁香

丁香

本草經云丁香味辛溫無毒能發諸香疏云辛

溫散結而香氣又能走竅除穢濁也

伽南香

有糖結伽南鋸開上有油如飴糖黑白相間黑

如墨白如糙米焚之初有羊羶微氣有金絲伽
南色黃止有絡若金絲惟糖結爲佳

唵叭香

一名黑香以軟淨色明者爲佳手指可燃爲丸

蒼木香

句容茅山產細梗如猫糞者佳

蕙香

蕙草綠葉紫花魏武帝以爲香燒之

藿香

桂以遇烈麝以太芬推沮天壽天抑人文誰及

藿香微馥微熏攝靈百仞養氣青雲見江淹頌○本

草經疏藿香稟清和芬烈之氣故其味辛其氣

微溫無毒潔古辛甘

楓香

楓聶天風則鳴故曰聶聶樹似白楊葉負而岐
有脂而香今之楓香南方草木狀曰楓香樹子

大如鴨卵二月華色乃連著實八九月熟曝乾
可燒本草經楓香脂一名白膠香

鬱金香

鬱金芳草也十葉爲貫百二十貫采以煮之爲
鬯一曰鬱鬯百草之花遠方所貢芳物合而釀
之以降神見說文。范石湖文集云嶺南有采生
之害其術于飲食中行厭勝法致魚肉能返生
于人腹中而人已死則陰役其家初得覺胸腹

痛次日刺人十日則生在腹中也凡胸膈痛卽
用升麻或膽礬吐之若膈下痛急以米湯調鬱
金末二錢服卽瀉出惡物或合升麻鬱金服之
不吐則下李翼岩侍郎爲雷州推官鞠獄得此
方活人甚多

蘇合香

皮薄子如金色按之卽小放之卽起良久不定
如蟲動烈者佳。香出中臺川谷陶隱居云俗

傳是師子糞今皆從西域來梁元帝作銘蘇合
氤氳非煙非雲時濃更薄乍聚還分火微難盡
風長易聞孰云道力慈悲所熏。本草疏云蘇
合香聚諸香之氣而成故其味甘氣溫無毒凡
香氣皆能辟邪惡况合衆香之氣而成一物者
乎其走竅逐邪通神明殺精鬼除魘昧夢溫瘧
蠱毒宜然矣經云久服通神明輕身長年

煉香

李賀練香熏宋鵲尋箭踏盧龍宋鵲名犬也練
香熏之使通鼻以知嗅。徐文長云練香合香
也

龍腦香

婆利國一作婆律斯國有婆律樹形似杉木高八九丈
木中脂似白松脂作木膏乃根下液亦謂之婆
律膏又云木有肥瘦瘦者出龍腦香在木心肥
者出婆律膏其膏在木端流出又云一木五香

根栴檀節沉香花雞舌膠熏陸。唐玄宗夜宴以琉璃器盛龍腦數片賜羣臣馮謐曰臣請效陳平爲宰自丞相以下皆跪受尙餘其半乃捧拜曰敕賜錄事馮謐玄宗笑許之。龍腦香稟火金之氣以生其香爲百藥之冠凡香氣之甚者其性必溫熱

見本草經疏

化樓臺香

張說攜麗正文章謁友生時正得宮中媚香號

化樓臺友生焚以待說說出文置香上曰吾文

享是香無忝

見徵文玉井

蘅蕪香

漢武帝夢李夫人授蘅蕪之香帝夢中驚起香

氣猶著衣枕

見拾遺記

百蘊香

后浴五蘊七香湯婕妤浴豆蔻湯帝曰后不如

婕妤體自香后乃燎百蘊香

見趙后外傳

漢宮香

漢宮香方其法自鄭康成注魏道輔於相國寺

庭中得之

見墨莊漫錄

鸞梨香

江南李後主帳中香法以鸞梨蒸沈香用之號

鸞梨香

鵲腦香

小黃女子名觀與喬子曠筆札周旋喬寄觀詩

云美人心共石頭堅翹首佳期空黯然安得千
金貽侍者一燒鵲腦綉房前鵲腦燒之令人相
息

沉水香

西施舉體有異香每沐浴竟宮人爭取其水積
之甕瓮用松枝洒于帷幄滿室俱香甕瓮中積
久下有濁滓凝結如膏取以酒乾香踰于水謂
之沉水製錦囊盛之佩于寶袜

九真雄麝香

趙昭儀上姊飛燕三十五物有九真雄麝香見西

京雜記

月麟香

玄宗為太子時愛妾號鸞兒多從中貴董道遙

微行以輕羅造梨花散葢裏以月麟香滿袖裏

春所至暗遺之見史諱錄

百濯香

吳孫亮常寵四姬皆振古絕色有異香殊方異

國所出香氣霑衣百浣不歇因名曰百濯香或

以人名香遂題曰朝姝香麗居香洛珍香潔華

香所居室名思香媚寢見拾遺記

意可香

意可香初名宜愛或云此江南宮中香有美人

字曰宜愛因名黃魯直曰香殊不凡而名乃有

脂粉氣易名曰意可

九回香

趙飛燕妹婕妤好名合德眉號遠山黛施小朱號
慵來粧每沐以九回香膏髮為薄

金磬香

金日磬既入侍欲衣服香潔變胡虜之氣合一
香以自熏武帝果悅之號金磬香

見洞冥記

荃蕪香

燕昭王廣延國二舞人帝以荃蕪香屑鋪地四

五寸使舞人立其上彌日無跡

見拾遺記

辟寒香

齊凌波以藕絲連螭錦作囊四角以鳳毛金飾
之實以辟寒香寄鍾觀玉觀玉方寒夜讀書一
佩而徧室俱煥芳香襲人鳳毛金者鳳皇頸下
有毛若綬光明與金無二細軟如絲山中人拾
取織為錦明皇時宮中多以飾衣賜貴妃者最
多

香園

桂蠹香

溫庭筠有丹榴枕桂蠹香

四



